



**“ADDENDA AO CONVENIO DE COLABORACIÓN ENTRE A DEPUTACIÓN DE
PONTEVEDRA E O CONCELLO DE VIGO PARA A EXECUCIÓN DAS OBRAS DE
SUBSTITUCIÓN DE FIRMES EN VIAIS MUNICIPAIS NAS DIFERENTES
PARROQUIAS DO CONCELLO DE VIGO”**

En Vigo, 15 de maio de 2018

REUNIDOS

Dunha parte, Dona María del Carmen Silva Rego, Presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.

Doutra, Don Abel Caballero Álvarez, Alcalde-Presidente do Concello de Vigo, na representación legal desta Administración municipal, que lle atribúe o artigo 124.4.a) do mesmo texto legal.

Recoñécense mutuamente os comparecentes a capacidade e a representación necesaria para a sinatura do presente convenio de colaboración, e a estes efectos

EXPOÑEN:

I.- Que con data 11 de agosto de 2016, o Concello de Vigo e a Deputación Provincial de Pontevedra asinaron o “Convenio de colaboración para a execución de firmes en viais municipais nas diferentes parroquias do Concello de Vigo”.

O obxecto do citado convenio consistía en establecer e concretar o réxime de colaboración entre ambas administracións para o financiamento da execución dos proxectos de obras de substitución de firmes nos viarios que se relacionaban na parte expositiva e que se correspondían cos seguintes:

- Sárdoma: estrada Miraflores
- Castrelos: camiño Viloura
- Candeán: camiño Monte Vixiador
- Teis: Avenida Dona Fermina
- Alcabre: camiño Forte e camiño Cruceiro.
- Coruxo: camiño Viño
- Matamá: rúa Roupeiro e estrada Beirán.
- Zamáns: estrada Marcosende
- Bembrive: Arieiro





- Zona Bouzas: rúa Covadonga e rúa Eduardo Cabello
- Zona Castro: rúa Arines, rúa Couto, rúa Marqués de Alcedo
- Zona Praza América: rúa Pastora

Para a execución do citado concenio, a Deputación Provincial obrigouse a achegar o importe máximo de novecentos dous mil cento coarenta e catro euros con noventa e seis céntimos (902.144,96 €)

II.- O Concello de Vigo, de acordo co expediente de contratación 4.653/440, procedeu á licitación dos proxectos de obra por lotes, tal e como se indica a continuación:

- Lote 1. Substitución de firmes de viarios en contornos patrimoniais Vigo-Centro por importe de 304.206,34 €
- Lote 2.-Substitución de firmes viarios en contornos patrimoniais Vigo-Norte por importe de 311.508,86 €.
- Lote 3. Substitución de firmes de viarios en contornos patrimoniais Vigo-Sur por importe de 286.389,66 €.

Das actuacións derivadas do procedemento de licitación para a contratación das obras (expte. 4.653/440), constatáronse baixas por importe de 382.896,08 €.

II.- As partes de mutuo acordo recoñecen a necesidade de recuperar e aplicar as economías habidas polas baixas no procedemento de licitación para asegurar o funcionamento doutros viarios que entrarían a formar parte do obxecto do citado convenio; con isto, dentro da vixencia do actual convenio, permitiríase cubrir unha serie de obxectivos estratéxicos, tales como: a consolidación dunha rede de infraestructuras viarias, así como a mellora das súas condicións e da súa capacidade funcional.

IV.- Que, dacordo coas precedentes consideracións, dada a coincidencia de obxectivos e o interese común de ambas administracións de propiciar o reinvestimento das economías acadadas na adxudicación das obras referidas no expediente de contratación 4.653/440, no financiamento doutras actuacións de mellora de firmes en outros viarios das parroquias de Vigo, acordaron aprobar unha addenda ao convenio de colaboración, con arranxo ós seguintes:

PACTOS

PRIMEIRO.- Obxecto da Addenda.

O obxecto da presente addenda é o de dar continuidade ó convenio asinado para a execución de obras de substitución de firmes en viarios municipais das diferentes parroquias do Concello de Vigo, incluíndo novas actuacións e o seu réxime de financiamento.

Consíderanse prioritarias as seguintes actuacións de mellora de firmes:

Reforzo de firmes en viarios municipais fase I. LOTE nº1





PARROQUIA	RÚA	Orzamento estimado
CABRAL	FONTIÑAS DE ABAIXO	308.270,07 €
CABRAL	CAMIÑO REGUEIRA	
LAVADORES	SUBIDA A SELLO	
CORUXO	ESTRADA FRAGOSELO	
COMESAÑA	CAMIÑO RIAL	

Reforzo de firmes en viarios municipais fase I. LOTE nº2

PARROQUIA	RÚA	Orzamento estimado
MATAMÁ	CAMIÑO RIBAS	232.052,69 €
BEADE	SEIXO	

Total das actuacións: 540.322,76 €

SEGUNDO.- Financiamento:

A execución das obras ás que se refire a presente addenda ascenden a un total de cincocentos coarenta mil trescentos vinte dous euros con setenta e seis céntimos (540.322,76 €). Dito importe financiarase co crédito derivado da baixa producida na licitación do expediente de contratación 4.653/440, por importe de trescentos oitenta e dous mil oitocentos noventa e seis euros con oito céntimos (382.896,08 €) que se imputarán con contra a aplicación 2017/942.9420.762.14.2016.


A diferenza, é dicir, cento cincuenta e sete mil catrocentos vinte e seis euros con sesenta e oito céntimos (157.426,68 €) será financiada polo concello de Vigo con cargo ao orzamento do ano 2018 e dacordo cos créditos de aplicación orzamentaria 1532.210.00.05.

TERCEIRO.- Incidencias na execución das obras iniciais:

Na data actual, as obras que conforman o convenio orixinal para substitución de firmes en viarios municipais nas diferentes parroquias de Vigo atópanse en execución. Polo que, calqueira incidencia que poida xurdir no desenvolvemento das mesmas, por causas imprevistas, e que obriguen a unha modificación dos proxectos con incremento da obra ou de producirse unha liquidación por excesos de medición, e dado que a baixa está comprometida no financiamento da presente addenda, deberá ser asumida polo Concello de Vigo.

CUARTO.- Información ao Consello de contas.

En consonancia co recollido no artigo 53 da Lei 40/2015 de 1 de outubro, de Rexímen Xurídico do Sector Público, e da súa normativa de desenvolvemento (instrución do Tribunal de Contas-Resolución de 2 de decembro de 2016), as partes deberán informar ao Consello de contas da subscrición da presente addenda, debendo realizarse esta obriga no prazo de tres meses dende a sinatura.





QUINTA.- Vixencia.

As actuacións que se recollen na presente addenda e que constitúen o obxecto da mesma desenvolveráanse no marco do actual convenio para substitución de firmes en viarios municipais nas diferentes parroquias do Concello de Vigo, o cal ten unha vixencia de 4 anos dende a data da súa sinatura (11 de agosto de 2016)

Non obstante, a vixencia do convenio poderá prorrogarse coa conformidade expresa das partes asinantes, no caso de que non rematasen as obras obxecto do mesmo.

O Alcalde-Presidente do Concello de Vigo

A Presidenta da Deputación de Pontevedra

Asdo. Abel Caballero Álvarez

Asdo. M^a Carmen Silva Rego

A Secretaria do Concello de Vigo

O Secretario da Deputación de Pontevedra

Asdo: M^a Concepción Campos Acuña

Asdo. Carlos Cuadrado Romay